



Synfocity = 718

mail us at : mzsynfo@gmail.com; mizoramsynod@gmail.com - Phone - 2314648

January 31, 2019

☐ **JRTS-ATC Joint One Day Seminar**

January 29, 2019 (Thawhlelni) khan Presbyterian Church of India bul tumin John Roberts Theological Seminary leh Aizawl Theological College te chuan Seminar Hall, Inter-Cultural Centre, Aizawl Theological College-ah “Reformation, Then and Now: A Critique and Relevance” tih thupui hmangin seminar neih a ni.

John Roberts Theological Seminary hi tun hmaa Cherra Theological College, Sohra (Cherrapunjee)-a awm thin, kan Pastor hmasa tam tak te zirchhuahna kha a ni a. Kum 1887-a Welsh Calvinistic Foreign Mission (Presbyterian Church of Wales)-in an din a ni. Kum 107 lai Sohra (Cherapunjee)-a a awm hnuah he College hi Mawklot, Shillong-ah sawn a ni ta a. An Principal hmasa ber Rev. Dr. John Roberts, D.D. hming chawiin John Roberts Theological Seminary an lo ti ta a ni.

Seminar hi Rev. Prof. Vanlalngbaka Ralte, Principal, ATC-in a kaihrui a, Seminar hmangtute lawmna thu a sawi. ATC Male Voice leh JRTS Trio ten thiam taka hla sain hun an hmang a, Thuchah tawi ropui tak mai, “Justice, and only Justice you shall pursue (Deut 16:18-20)” tih hmangin Rev. Dr. Zaihmingthanga’n a sawi bawk. Rev. Dr. K. Lalrinkima, Administrative Secretary i/c Theological Education, PCI General Assembly-in thupui sawihawna a nei bawk a ni.

Chawhma lamah paper pahnih-“The Doctrines of Reformation and Their Relevance Today: A Reference to the Context of the Presbyterian Church of Meghalaya” Rev. Dr. H. Rymbai, Associate Professor, Department of Religion, JRTS ziak leh “Semper Reformanda: Ecclesia- Structural Reformation in the Context of PCI” Prof. Lalnghakthumi, Professor of Christian Theology and Dean of Doctoral Studies, Aizawl Theological College ziak te zirho a ni.

Chawhnu lamah pawh paper pahnih-“Reimaging Reformation and its Relevance for the Church Today”- Rev. Dr. S. Hayong, Associate Professor, Department of Theology, JRTS ziak leh Church and State Relationship as a Political factor for the Reformation and its Relevance for Christian’s Participation in Politics- Rev. Dr. H. Lalrinthanga, Associate Professor of History of Christianity and Dean of Post Graduate Studies, Aizawl Theological College ziak te chu zirho leh niin, hun thumna-Plenary Session chu Rev. Dr. K. Lallawmzuala, Professor of Old Testament & Director, Calvin Study Centre, ATC-in kaihruiin Rev. Dr. L.H. Rawsea, HOD, Department of New Testament, ATC-in lawmthu sawina a neih zawhah Rev. Dr. P.R.Hmuaka’n Malsawmnain Seminar a khar a ni.

☐ **Finance**

January 30 - February 1, 2019 chhung hian Guwahati-ah Synod PAN Card buaipui Pu Zaihmingthanga Fanai, Accountant a kal.

☐ **Mission Board**

February 3, 2019 (Pathianni) chawhnu dar 1:30 hian Dawrpui Presbyterian Kohhran Biak In-ah Synod Mission Board hnuai thawk tur Missionary tirthchhuah inkhawm neih a ni dawn.

Tirthchhuah inkhawm hi Rev. C. Zoramawia, Secretary, Synod Mission Board-in a kaihrui ang a, Dr. Robert S. Halliday, Coordinator, Synod Mission Board-in Missionary tirthchhuah tur te inhmelhriattirna a nei ang a, Rev. R. Lalhmingthanga, Synod Moderator-in tirthchhuahna hun hmangin thuchah a sawi ang. Tirthchhuahte atangin thusawi tawi ngaihthlak a ni bawk ang.

Missionary tirthchhuah tur te hi mipa 32 leh hmeichhia 54, an vaiin 86 an ni a. Anni hian January 9 - 30 chhung khan Mission Veng Kohhran Hall-ah Orientation training an lo nei tawh bawk a ni. Orientation training-ah hian an awmna tur chanchin te, rawngbawl dan tur kal hmang te leh thil pawimawh hrang hrang an zir a. Tirthchhuah an nih hnu hian an awmna tur hmun theuh an pan tawh ang. (*Programme kimchang pheh lehlamah dah a ni*)

☐ **MSSU**

February 2, 2019 khan Chawlhmun Kohhranah Sunday School Zirtirtu Training neih a ni dawn a, Upa Lalmuanpuia, Coordinator, Upa Lalthahluna Ralte, Asst. Coordinator leh Trainer Upa R. Lalhmingthanga, Republic Vengthlang te an kal ang a, zanah Fanau Enkawl chungchang thuchah Upa Lalthahluna Ralte, Asst. Coordinator-in a sawi ang.

☐ **KTP**

February 1 - 3, 2019 chhung hian Tuipang-ah ECM KTP inkhawmpui hmanpui turin Comt. member-te - Pu David Lalhmachhuana leh Pu Rorelkima te an kal ang.

☐ **FG&CC**

January 31, 2019 (Ningani) hian Mamit-ah FG&CC programme-in Rev. B. Sangthanga, Executive Secretary, Rev. Lalsangbera, Director leh Rev. R. Lalnuntluanga, Comt. member-te an kal.

Contd...

☐ **Synod Revival**

February 12 - 16, 2019 chung hian Synod Revival Camping Center, Neibawihah a duh apiang tan Camping buatsaih a ni dawn a. Speaker tur chu Lalremruata, Living Hope Ministry Team a ni ang. Camping Fee Rs. 100/- mi pakhat tan a ni a, Mutbu bakah Bible, Hla bu, Pen, Note Bu ken tur a ni. Camp neihna hmun Neibawih-ah Chhun dar 11 atanga tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. He camp-ah hian mawhphur turin Ramhlun Vengthar Pastor Bial ruat an ni.

☐ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Model Veng	Damlo	1	Rs. 8,000/-
2.	Chawnpui	Damlo	1	Rs. 8,000/-
			TOTAL	Rs. 16,000/-

☐ **Zin**

- ◆ February 1, 2019 (Zirtawpni) hian Silchar-ah Barak Area committee meeting neih a ni dawn a, Rev. R. Lalhmingthanga, Moderator, Rev. Lianhmingthanga Sailo, Senior Executive Secretary, Rev. R. Vanlalngbaka, Secretary (Sr.), Rev. C. Zoramawia, Secretary, SMB leh committee member-te - Rev. KC Vanlalduha, Rev. Rony Lalrinsanga, Upa Lalduhawma Ralte leh Upa Lalliansawta te an kal ang.
- ◆ February 1, 2019 (Zirtawpni) hian Churachandpur-ah Manipuri Presbytery Church Working Committee meeting neih a ni dawn a, Rev. K. Lalrinmawia, Executive Secretary leh Rev. Vanlalrova Kiangte, Synod Secretary (Jr.) te an kal ang.

☐ **Hruaina Eng FM Radio**

◆ **FEBRUARY 1, 2019 (FM Zoawi Aizawl & FM Lunglei @ 7:30 p.m.):**

Solo : B.Lalbiakima - I thu hi ka tan khawnvar, **Zaipawl :** Vengnuai Pastor Bial - Thupek Ropui, **Thusawi :** P.C Malsawma - Remdik rawh, **Solo :** Lalbiaksiami - I kir ang u

☐ **Hruaina Eng TV Programme**

Susamachar Prasaran Programme

◆ **FEBRUARY 3, 2019 (Pathianni) 5:00 pm. :**

Group/Choir/Solo : Durtlang Kohhran Masihi Sangati - Halleluia Stuti, **Group/Choir/Solo :** Hmingtea Tochwawng - A nugra ha kari, **Sermon :** Rev. P.C. Rohlira, **Group/Choir/Solo :** PC Lianhmingthanga - Sahara, **Group/Choir/Solo :** Bungkawn Masihi Sangati - Ji Uthe

◆ **FEBRUARY 3, 2019 (Tv Programme) @ 4:00 - 6:00, 8:00 - 9:00 p.m) :**

Sermon : Rev. C. Lianhmingthanga - Lal Isua lo kal chhan, **Weekly Round Up,** KTP General Conference 2016

☐ **Moderator Programme**

February 1, 2019 Zirtawpni Silchar Barak Area Committee

February 3, 2019 Pathianni Chawhnu Missionary Tirhchhuah Inkhawm - Dawrpui Kohhran

MISSIONARY TIRHCHHUAH INKHAWM PROGRAMME

	<i>A hmun</i>	:	<i>Dawrpui Kohhran Biak In</i>
	<i>A hun</i>	:	<i>February 3, 2019 (Pathianni), 1:30 pm</i>
Chairman	:		Rev. C. Zoramawia <i>Secretary, Synod Mission Board</i>
Tanna	:		Chairman
Hla sakho	:		<i>Ngai rawh, Lalpain a grep huanah</i> (KHB No. 355)
Inhmêlhriattîma	:		Dr. Robert S. Halliday <i>Coordinator, Synod Mission Board</i>
Zaipawl	:		Mizoram Synod Choir
Tirhchhuahna & Thuchah	:		Rev. R. Lalhmingthanga <i>Moderator, Mizoram Synod</i>
Zaipawl	:		Synod Mission Choir
Thusawi tawi	:		Tirhchhuahte aiawh
Tawngtaisakna	:		Rev. K. Lalrinmawia <i>Executive Secretary, i/c Mission etc.</i>
Hla sakho	:		<i>Krista hmangaihna chuan min tir lui a ni</i> (KHB No. 358)
Banna	:		Chairman kutah

Note : Kum 2019-a Pension-a chhuak ta Missionary-te hnenah citation hlan a ni bawk ang.